



KOMUNIKADO PA PRENSA

Fecha

03 di sèptèmber 2019

Accountmanager di Komunikashon

Noriza Gerard

Email

noriza.gerard@gobiernu.cw

Entrante 1 òktober 2019 no por hasi pagonan ku sèn kèsh na “Keuringslokaal”

Willemstad – Ministerio di Tráfiko, Transporte i Planifikashon Urbano ta anunsiá ku for di awor por hasi diferente pago na Servisio pa Tráfiko i Transporte (VV) solamente via di e sistema di ‘swipe’ ku karchi di banko òf kubo komprobante di banko.

Por paga pa:

- Pèrmit pa bus (“busvergunning”),
- Pèrmit pa taksi (“taxivergunning”),
- Pèrmit pa “tourwagen” (“tourwagenvergunning”),
- Eksonerashon pa transporte,
- Kùrmentu di outo,
- Kùrmentu di bròmer (“mf+bf”),
- Duplikado/kambia di nòmber di “keuringskaart”.

Ku e sistema aki Ministerio di Tráfiko, Transporte i Planifikashon Urbano lo brinda e kliente un servisio na momentu di pago ku ta lihé, fásil i sigur. E aspekto di seguridat ta hopi importante awendia prinsipalmente kaminda tin transakshon di sèn kèsh. Ta pa esei lo no bai risibí sèn kèsh mas pa trabounan ku servisio pa Tráfiko i Transporte ta realisá.

Na lugá di paga ku sèn kèsh por hasi uso di ‘swipe’ i tambe por hasi depósito “storting” riba e number di kuenta di “**UO VERKEER EN VERVOER**” na **Girobank 1100054**. Mester hasi mension di plachi number di e vehíkulo na banko i trese e komprobante di pago na servisio pa Tráfiko i Transporte.

Servisio pa Tráfiko i Transporte (VV) ta pidi komunidat pa tene kuenta ku e kambio aki pa ora nan mester realisá kualke transakshon finansiero. VV ta pidi su diskulpa pa kualke inkumbiniensia ku esaki por a trese kuné, i ke rekordá ku esaki ta pa garantisá prinsipalmente seguridat di un i tur.